



In dils numerus stans cun products e purschidas dil parc natural Beverin.

FOTOS AUGUSTIN BEELI



La surdada dil certificat tochen 2032, da sen. Ramona Liebeton (meinagestiu), Jon Domenic Parolini, Hans Romang (representant Berna) e Thomas Buchli, president dil Parc Beverin.

Fiasta populara cun spezaria

Dumengia ei la populaziun dallas nov vischnauncas dalla Val Stussavgia, Schons, Tschappina e Ferrera s'entupada a Tenna per festivar il dieschavel anniversari e la concessiun nova dil parc natural Beverin. Ils purs han priu la caschun ed han deponiu lur malesser al representant digl Uffeci federal digl ambient.

AUGUSTIN BEELI/FMR

En siat vischnauncas eis ei stau ina decisiun unanima, en duas ha ina gronda majoritad approbau la concessiun nova. La fin digl onn vargau han tuttas nov vischnauncas dil Parc Beverin dau il consentiment per ina cunvegna pils proxims diesch onns. Cantun e Confederaziun ein lur partenaris principals che finanzieschan il menaschi. Il parc natural Beverin cun sedia a Vargistagn silla Muntogna da Schons ha cunquai la basa da luvrar e s'engaschar per la populaziun. Quella ei lu era loscha da siu parc, quei han ins viu e sentiü dumengia a Tenna. Igl ei stau ina fiasta populara, da bun'aura, cun bia glied ed in program multifar dalla damaun tochen la sera.

Mediatur denter las valladas

Il 2012 era la medema fiasta stada a Ziraun. Lu haveva l'emprema fasa da menaschi entschiet ed il Center da capricorns a Vargistagn entschiet a sesviluppar. Daferton ei il parc natural Beverin daventaus ina noziun enconuscenta, in grond spazi da viver, da cultura, lavur e turissem cun character da piunier. «Per la creaziun da valor ei il label essenzials», ha il president dil parc, *Thomas Buchli* declarau en siu beinvegni. Il territori denter Ruinaulta e Pèz Tambo includea Romontschs e Gualsers, colonias da capricorns, las cavorgias Viamala, Rofla e Ruinaulta, in triep lags, alps, pass e sendas.

La fiasta giubilara da diesch onns cun surdada dil label tochen 2032 ei stau ina manifestaziun per quei parc. «El fa la punt ed ei in excellent mediatur denter

Tgei di la regenza?

Sper Hans Romang, il representant digl Uffeci federal digl ambient e natira, ei Jon Domenic Parolini staus oratur festiv. Il representant dalla regenza grischuna ha buca seschau provocar dall'inscenzaziun spontana. Ils purs han interessantamein buca applaudiu cu il cusseglier guvernativ ei vegnius sil punct: «Ei sa buca esser ch'ins dat si alps pervia dalla preschientscha dil luf. La situaziun ei propi nunsupportabla», ha Jon Domenic Parolini getg. El ha puntuau ch'ei seigi siu plaid ch'el hagi preparau senza influenza da demonstrators. La regenza seigi unanimein dil meini ch'ins stoppi reagir immediat e cun regulaziuns. El sappi garantir ch'il cantun sustegni ils purs e ch'ins capeschi lur qitaus. Deplorabla-

mein han ils demonstrators buca tedlau il plaid dil cusseglier guvernativ, senza respect han els tschintschau denter els dado la tenda. El decuors dalla fiasta dil parc a Tenna ei la demonstraziun secapescha stada il tema. Il cantun savessi applicar ina sempla metoda da regular ils lufs: «Era ils capricorns ein schurmegiai. Era quels vegnan regulai mintg'onn malgrad ch'els ein buca prigulus», han ins udiu da pliras varts. Il sistem politic svizzer cun sia democrazia federalistica ei buca adattaus per reacziuns spertas. Ils proxims pass dependan perquei dall'operativa e co la directura digl Uffeci federal d'ambient e natira, *Katrin Schneeberger*, pren posiziun tier las intervenziuns dil Grischun.

las valladas», ha *Hansandrea Fontana*, il president communal d'Andeer manegiau duront il discuors al podi all'entschatta dalla fiasta. Il parc s'engaschi per las estructuras ruralas, el hagi scaffiu piazzas da lavur e sustegni ferm la vendita dils products indigens, ha *Alex Messmer*, il representant dall'uniun Tenna Plus, manegiau. Ed il deputau dalla Val Stussavgia el Cussegel grond, *Daniel Buchli*, ha puntuau ch'il parc seigi politica interna e politica externa enina.

Demonstraziun spontana

La votaziun digl atun vargau ei semani festada a Tenna. Ins ha viu, udiu e s'en-

curschiu che la populaziun porta «siu» parc e ch'ins ei loschs dil label. In grond quitaus fatschenta malgrad quei: Ils lufs dil Beverin e lur attaccas sils animals da casa ei stau in grond tema. *Hans Romang*, menader dalla partizun biodiversitad e cuntrada digl Uffeci federal digl ambient, ei vegnius da Berna per surdar ufficialmein il label niev. E cusseglier guvernativ *Jon Domenic Parolini* sco representant dalla regenza grischuna ei vegnius en Val Stussavgia per render honor alla populaziun ed allas vischnauncas dil parc.

Tut discus haveva ina gruppa da purs preparau ina acziun en connex cul luf,



Gieri Chrest Fravi (sen.) ha prelegiu la declaraziun dalla gruppa da demonstrators.

adressada a Berna e Cuera. Cu Hans Romang ha entschiet siu plaid festiv ei quella seformada avon la tenda. Ils partecipants ein entrai, i sin tribuna cun dus transparents e sepostai entuorn gl'oratur. Il president dil parc, Thomas Buchli – el ei sez era pur, saveva denton nuot dall'acziun – ha reagiu immediat. Ins vegli senz'auter gidar, ins capeschi ils quitaus da purs e persunal d'alp. El lubeschi perquei alla gruppa da s'exprimer, culla cundiziun che tuts tegniën il respect e bandunien suenter l'acziun puspei la tribuna.

Gieri Chrest Fravi, pur da Donat, ha plidau per la gruppa. «Nossa situaziun

ei insupportabla. Nus savein buca durmir pli la notg ord spir quitaus e tema. Igl ei ina vergugna co Berna tracta nus. Ussa havein nus dapli lufs che el Canada. Las autoritads han dagitg piars la controlla», ha el clamau. «Nus vulein che nossa regenza sededesti da siu paus da miezgi e gidi da sedeliberar da quella mulesta», ha el circumscret la desperaziun. Sin quei ha la gruppa bandunau pascheivlamein la tribuna. Aunc avon ha Thomas Buchli supplicau il representant da Berna da procurar ch'ins queschi buca pli, mobein preni serius ils problems ch'il triep dils lufs dil Beverin caschuna.